

www.BibleForChildren.org

Matiyu 26



Tānpākaŋ

Pasova

Orekirit kadāni

kepma 6 ude

kerāp tānirān Jesu

Betani yotpārare-ken

kuŋkuk. Betani uwā Lasarus,

āma Jesutā kumbani-ken nanik


wādāŋ tādōtkuko unitāŋo

kome. Naŋ irirā Mariatā

pābā ume gwāki ārowani,

kābāni sākgāmān ikekpāŋ Jesu

kuroŋi-ken piŋ ibatkuk. Piŋ ibatpāŋ
gwāki pujiŋpāŋ kuroŋi tāŋ-kohoyāŋkuk. Tānirān ume
unitāŋo kābāni āma pāke itkuŋo u nadāŋkuŋ.



Tänpäkan iwaräntäkiye 12 u bämopi-ken nanik kubä wäpi Judas Kariot unitä Jesu iwan keru terak kan pewa yän nadänkan bämop äma intäjukun tänpänitä itku-ken u pänku yäwetkuk. Ude tänjirän bänep täga nadänpän monen api gamine yän iwetku.

Judastä u nadänpän pänku iwan keru terak kan pewa yänkan Jesu iwaräntän yäpmän kuñatkuk.



Ude yäweränkaŋ iwaräntäkiye
Jesutä man yänkuko udegän
päŋku yot mähemi u iwetkaŋ Pasova
täŋtuŋum täŋkuŋ. Eruk ketem naŋ
irirä Jesutä käräga kubä yäpmänkaŋ
Anutu bänep täga man iwetkaŋ tokät
jukutpäŋ iwaräntäkiyeta ŋode
yäwetpäŋ yämiŋtäŋ kuŋkuk; No
yäpmänpäŋ naŋput. Nowä
näŋŋo gupna yäk.



Ude yänpän wain ume yäpmänkan
Anutu bänep täga man iwetpän
iwaräntäkiye node yäwetpän
yämintän kunjuk; In kudup no
nanput. Nowä näkno nägätna.
Anututä ämawebe-kät
topmäk-topmäk täyak u
täjkehärom takta. Tänpän
ämawebe mäyap täno momi
awähuretta
yänpän nägätna
piwayän täyat.



Jesutä ude yänpän Saimon iwetkuk; Saimon, Satantä
in tänpän-tabäwayän yäyak. Ämatä wit mujipi-kät
gupi yäpmän danik täkañ ude tänpayän nadätak. Unita
Saimon nanakna, nadäkinikka paoränpän bänepka
gapun täwek yänpän gäka Nanaken yänapik man yät.
Ude täro unita gäk äneñi näkken äbayän täyan-ken
uken Anutu täño man
kädet notkaye
yäwet täpänek kañ
tä.




Ude yäwänä Pitatä node iwetkuk; Ekäni gäkä komi eniken iriwä näk komi eniken bok itta pidäm täyat. Ba gäk gutpäñ näk imaka nutta yäwäwä api pidäm täwet. Yäwänä Jesutä iwetkuk; Pita, node gäwera nadä. Apiño bipani purup gera nämo yänjirän gäkä kadäni yaräkubä wäpna käbop pewayän.




Tänpän Jesu
iwaräntäkiye-kät
kuntängän Getsemane
epän tobätken ahänpän
yäwetkuk; In node irirä
näkö pänku yänapik man
yawayän yäk. O nan, gäk
imaka kubä tänpayän nämo
bäräp tak täyan. Unita
komi bäräpi nadäwayän
täyat u ketären namisi.
Upänkañ näkjo nadäk
nämo, gäkñaken nadäktä
kañ ahäwän.



Ude nadänpän komi äma ätukät bämop äma ba Parisi
täno watä äma ätu yämaguränkan epän uken kunğun.
Topän ijin-yängenpän yäpmänkan kadä boham
ikek kunğun. Ude yänpän iwaräntäki kubätä
bämop äma kubä täno watä äma
kubä ura yäkñat jukuni bure
kädapän painkuk. Täñirän
Jesutä kanpän yänkuk; Ai!
Ude tänpeno! Ude yänpän
äma u jukuni yäpmänpän
äneñi irani ude peñ iminükuk.



Ude tänpän Jesu init yäpmän bämop äma intäjukun
tänpanitä eni gänaŋ äronkuŋ. Täŋirä Pita uwä
bankentä yabäŋit yabäŋit yäwatkuŋ. Täŋirän
komi äma yewa gänaŋ äro
kädäp ijinpän äŋäriŋ
irirä Pita imaka, äro
bämopi-ken itpän kädäp
penta äŋäriŋ itkuŋ.



Ude yävänä bämop äma
intäjukun tänpani täño
watä äma kubä, Pitatä
jukuni madän
täkņenkuo unitä
äbotken naniktä yänkuk;
Piäken bok irirän tabäro u
gäkkät irirän tabät yäk.
Bure? Yävänä Pitatä yänkuk;
Nämoinik! Ude yävänä
uterakgän purup gera yänkuk.
Man u juku piņpän bänepi-ken
jägämi pähap nadänpän äpämaņ
pänku konäm bumta kotkuk.




Eruk, käbeyä tän itkunjo u
kuduptagän akun-kirenpän Jesu
yäniknat yäpmän pänku Pailat
inamiken tenkun. Ude yäwäwä
Pailattä Jesu iwet yabänkuk; Gäk
Juda täno intäjukun
äma ba? Yäwänä Jesutä
iwetkuk; Yäyan ubayän.
Tänpäkan Pailattä Jesu pit
imayän nadänkuko unita

ämawebe päke u yäwetkuk.
Yäweränä äneji gera


kehäromigän yänkun; Päya
kwakap terak kumän-kumän ut!




Ude yäwäkaŋ Pailattä Jesu
päya kwakäp terak utta yäniŋ
kireŋkuk. Tänpäkaŋ komi ämatä
Jesu initpäŋ päya kwakäp imä
buramiwänkaŋ kome kubä wäpi
Gwäki Kokäp (u Juda man terak
Golgota) uken kuŋkuŋ.



Pänku kome uken ahänpän päya kwakäp
terak utkuṅ. Tänpäkaṅ äma waki
tänpäni yarä, bok däpmänpän kubä
kukṅi kubä kukṅi, Jesu ini
uwä bämop
tenkuṅ.



Tänpän kome kepma bämopi täñirän kome dapuri
kumbuk. Kumäñirän kome kudup bipmäng utpäng it
yäpmäng kuñirän 3'kirok täñkuk. Täñirän kudupi eni
gänañ tek tañi bagata pewä wädäwani
u punin ununitä komen umu ini
wewän tärenkuñ. Täñirän
Jesutä gera yänpäng yänkuk;
Nan! Kehäromina ketka-ken
peyat! Ude yänpäng kumbuk.



Sabat keräp tañirän eruk bipäda
Juda täño äma ekäni kubä wäpi
Josep u äbuk. U komeni
Arimatea. Uwä Anututä
intäjukun itkañ yabäñ
yawat piäni kwawak
ahäñirän kakta
itsämäñtäñ kuñat
täñkukonik.

Eruk, äma unitä
Pailat-ken umunkät
nämo, bätakigän
kuñpäñ Jesu täño gupi
awañ gänañ änekta
iwet yabäñkuk.



Nadän iminjirän Joseptä pänku tek
paki suwanpäñ, Jesu täño gupi
päya kwakäp terak nanik
ketären päpä tek yäpuko
unitä uwäk täñkuk. Ude
täñpäñ mobä awañ
kodaki kubä äma
kumbani pekta
biñam änenpani u
gänañ penkuk.

Penpäñä mobä kubä
pimiñ iwat-pewän
päñku mobä awañ
meni uwä yäput
pipiñkuk.



Eruk pängku patkuño kome yänewänä
Sarare-ken bämop äma
intäjukun tänpani-kät
Parisi äma ätukät
Pailat-ken kuñkuñ.



Kunpän iwetkuŋ; Ekäninin, man
kubä nadämäŋo u gäwetna; Jop
man yäwani ukeŋo kodak
itkaŋ ŋode yänkuk; Näk
kumänkaŋ edap
yaräkubä täreŋirän
kodak taŋpän api
akwet yäk.



Ude yäweränkañä komi ämakät penta
päñku awañ meni ket
täñpäñ täñpipinpäñ komi
ämatä watäni itkun.



Tänpäkan Juda täno Sabat kadäni
tänejirän Sande tamiinik Maria
Makdala komeken nanik ukät
wahupi Maria Jesu awaḡ
gänaḡ änejkuḡo u käda
yänkaḡ kunikumän.

Tänpäkan kadäni
ukengän koḡ
Pähap kwainjirän
Ekäni

täno aḡero kubätä
kunum gänaḡ naniktä
äpänpän mobä awaḡ
meni-ken tänpipiwani
u yäpmänḡ kewenpewän
päḡku parirän
uterak maḡitkuk.



Täjirän komi äma u kanpäñ
umun pähap nadäñpäñ kwainpäñ
kumäñ manpäñ pattäñ
kunkuñ.



Täñirä webe yarä unitä ahäwänä
ađerotä yäwetkuk; Ek
umuntädeño yäk. Näk
nadätat, Jesu päya
kwakäp terak utkuño
u kädayän äbäkamän
yäk.



Upänkaŋ ɲo nämo itak. U man bian
täwetkuko udegän akumaŋ kuk.
Ek abänkaŋ patpat bägupi
ɲo kawun yäk.




Tänpäkan webe yarä uwä
umuntankumäno upänkan awan
penpen kunkan oretoret terak
iwaräntäkiye yawetdayän
bäränej kunkumän. Kunjirän
kädet minin Jesutä pengän
ahän yämijpän tamiman yän
yawetkuk.



Tamimaŋ yäŋ yäweränä
gukut imäpmok tänpäŋ kuroŋi
iŋitpäŋ iniŋ oretkumän.





Eruk, u punin terak iwaräntäkiye 11 u yot kubäken ketem naŋ irirä ahäŋ yäminpäŋ ŋode yäwetpäŋ yabäŋ yänkuk; Imata nadäkinikjin nämo itkaŋ? Ba imata notjiye ätu kodak irira nabänpäŋ biŋam täwetkuŋo u nadäwä bureni nämo täkaŋ? Eruk Ekäni Jesutä man ude yäwet morenpäŋ irirän Anututä imagut yäpmäŋ kunum gänaŋ äronkuk. Äronkuko uken Anutu keribure käda itkukotä itak.



Anututä komen
ämawebeta nadän
yämik-inikinik täŋkuko unita nanaki tepi
kubägän u tewän äpuk. Ude täŋkuko
unita ämatä u nadän iminpäŋ
kuŋatnayän täkaŋ uwä paot-inik nämo
api täneŋ. Nämo, u irit kehäromi
apikaŋ-ahäneŋ.



Rom 3:23 Nämoinik, ämawebe nin kuduptagän momi tängpani unita Anutu penyänek mähemi ukät kunum gänäñ bok itnañi nämo.

Rom 6:23 Eruk, unita äneñi ñode nadäwut; Momitä epän ämaniyeta gwäki yämik täyak uwä kumän- kumän tärek-täreki nämo. Tängpäkañ Anututä iron kowatani nämo täng nimik täyak uwä Ekäninin Jesu Kristo terak irit kehäromi tärek-täreki nämo u.

Hibru 9:27 Tängpäkañ ämawebe kuduptagän kadäni kubägän kumäkta yäwani. Kumänpäñä täktäki yäpmän danik-danik käbeyä-ken api äronen.



Efesus 2:8,9 Unita node yäwa; Nadäkinik terak Anutu täño bänep iron unitägän waki kerik-ken nanikpäñ tämagutkuk. U intä imaka kubä täñirä kañpäñ unita nämo tämagutkuk. Nämo, iniken bänep irona yäñpäñ jop tämagutkuk. Unita äma kubätä iniken wäpi biñam täga yäpmäñ akunañi nämo. U imata, intä piä täñirä unita yäñpäñ nämo tämagutkuk.

Rom 10:9,10 Bureni, mejintä Jesu u Ekäninin yäñ yäñahäñit, bänepjintä Anututä Jesu kumbani-ken nanik yäpmäñ akunükuko unita nadäkinik täñ imiñirä Anututä ini api tämagurek. U imata, bänepnintä Jesuta nadäkinik täñitna Anututä siwoñi ämawebe yäñ yäñtäreñ nimik täyak, ba menintä nadäkiniknin u yäñahäñitna inita biñam nimagut täyak.



Jon 3:16,17 Anututä komen ämawebeta nadän yämik-inikinik tänkuko unita nanaki tepi kubägän u tewän äpuk. Ude tänkuko unita ämatä u nadän iminpän kuŋatnayän täkaŋ uwä paot-inik nämo api täneŋ. Nämo, u irit kehäromi api kaŋ-ahäneŋ. Anutu uwä Nanakna komen ämawebe manken kaŋ yepmaŋpän yänpän nämo tewän äpuk. Nämo, u komen ämawebe yäpän tägakta yänpän nanaki kubägän-inik uwä iniŋ kireŋkuk.



1 Jon 5:11-13 Tängkaŋ man bureni uwä ŋode; Anututä irit
kehäromita biŋam nipmaŋpän itkamäŋ. Täŋpäkaŋ irit
kehäromi unitäŋo mähemi u Nanaki ubayäŋ. Ämawebe
Nanaki-kät kwasikotpäŋ kuŋat täkaŋ uwä irit kehäromita
biŋam täk täkaŋ. Täŋ, ämawebe Nanaki-kät nämo
kwasikotpäŋ kuŋat täkaŋ uwä irit kehäromita biŋam
nämo täk täkaŋ. Nämoinik! Ämawebe Anutu täŋo
Nanakita nadäkinik täk täkaŋ, inta man kudän ŋo mebäri
ŋodeta kudän täŋpäŋ tamitat; Inä irit kehäromita biŋam
täkamäŋ yäŋ nadäwut yäŋpäŋ manbiŋam ŋo
kudän täŋpäŋ tamitat.



Matiyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Tuma Irumu Bible (iou) © 2011, Wycliffe Bible
Translators, Inc. All rights reserved.

<https://live.bible.is/bible/IOUTBL/GEN/1>

©2025 Bible for Children, Inc.

www.M1914.org

www.bibleforchildren.org

